

江陵縣志卷之三

方輿三

山川

龍山 在城西北十五里蜿蜒曲折矯若游龍眾嶺
迴環如屏障焉晉桓温九日同參佐孟嘉宴此風落
嘉帽上有落帽臺詳古蹟

來龍山 在城西附郭旁有象臺來蘇臺今廢

擲甲山 在城西北隅相傳呂蒙襲南郡

關某還救聞糜芳以城降憤而擲甲於此上有祠康熙中

江陵縣志

卷之三

方輿 山川 一

觀察祖澤深更名餘烈山乾隆五十五年布政使陳
淮捐奉重修

卸甲山 在城西南

關某會卸甲於此有祠樓臺市井歷歷在目八嶺諸山峯
巒隱現塵囂中幽境也

鬆甲山 在城北相傳

關某遺蹟有祠

附載鬆甲山古雄楚樓故址也相傳明洪武二十
八年楚王楨同湘王柏殲常德叛卒於虎渡口戰

勝凱旋知府應伯和率僚屬迎勞之宴楚湘二王於北塘宴諸裨將於南塘釋甲記功請賞因有鬆甲擲甲卸甲之名殆取釋甲偃武不事甲兵之意與

紫禁山 在府治東

天皇山 在城東天皇寺後一培塿也志餘寺創於後梁改建於李唐山之得名不知何始或曰包羲亦號天皇葬於南郡此或其跡躔與習鑿齒曰昔伏羲葬於南郡是固冠劍佩舄之鄉也

江陵縣志

卷之三

方輿 山川

二

太暉山 在城西北里許自八嶺山岡阜綿亘至此上建觀祠真武長橋跨水樓閣崢嶸殊有勝概游者接踵摩肩荆南名山也

嶧峨山 在太暉山東南上祠東嶽

張家山 在太暉山西南

栗林山 在城西北五里將臺北

稽功山 在城東北五里郢都倚爲後障五代時高

季興築江陵外城稽課土功於此因名

岳山 在城東五里有巨垣焉聳峙若門土人以山

呼之垣內沃衍可居一曰岳山壩吳元年甲辰大將軍徐達兵至屯此故又名岳山寨洪武丁未江夏侯周德興請決岳山壩以通水利自是堰渠溉田歲增官租四千三百餘石卽今之廣有田也廉希憲傳云先是江陵城外蓄水扞禦希憲令決之得良田數萬畝以爲貧民之業乾隆五十三年萬城堤決此田適當下流迴旋之所大半壅爲白沙矣

蛇入山 相傳孫叔敖埋蛇處今更名陰德山志餘在城東十里塔橋北皆故家馬鬣也春和草碧遊侶

江陵縣志

卷之三

方輿

山川

三

多萃其上

虎兒山 卽十里埤

東山 輿地紀勝在縣東臨北海上宋史孟琪傳謂之古嶺先峰今孫家山馬房山鳳凰山一帶是志餘

鬆甲馬房依海北岸其南岸則赤土坡或云鬆甲山

卽孫家山有寺曰幽僻孫叔敖舉於海卽此其宅址

猶存

馬房山在上海子鳳凰山在中海子孫家山在下海子

戴家山 在關沮口對岸

黃甲山 在郢城東北

八嶺山 在城西北二十里崇嶺八道起伏迴環虬松偃蓋繚繞煙雲上有馬跑泉相傳爲

關某遺蹟前明遼藩諸王陵在焉

西山 在城西沮漳之水由此而入江晉王子猷爲桓冲參軍以手版拄頰云西山朝來致有爽氣志餘今自西無山以擬之或卽龍山之麓矣

紀山 在城北四十里郡之鎮也與當陽荆門諸山接楚都名紀南城以此昔智者禪師往卓錫焉又有釋曰嬾牛嘗騎虎出入松徑上有龍湫歲旱禱雨輒

江陵縣志

卷之三

方輿 山川 四

應

馬山 在城西北六十里

白馬山 在城北三里

湖口山 在長湖南岸西距龍口二十里俗名爲大冢嶺三峯並峙旁列培塿二其中峯頂有廟曰天心觀四圍虬松扶疏晨鐘暮鼓響徹湖濱湖水瀰漫西北茫無涯涘舟人以此爲轉棹之表識云

畫扇峯 在城東公安門外壁立數丈若堵上平坦廣徑二畝餘長可十數丈丹青家之斧劈皴也宜建

亭榭瞰江流盛宏之荆州記修竹亭西一峯迥然西
映落月遠而望之如畫扇然

赤坂岡 在紀南城南岡下有瀆水入城東北流曰
子胥瀆在今鄂公廟傍經高橋入板橋河與龍陂合
沙岡 在鶴穴峒南口北岡下水通襄漢

豫章岡 在沙津北豫章口豫章臺皆因以名遊人
登覽憑弔以爲古章華也豫章口今日章臺淵

高陵岡 在城西二十里卽今青冢等處

諸倪岡 在城東三十里五代高氏以將軍倪可福

江陵縣志

卷之三

方輿 山川 五

有功分賜土田子孫世居之東坡荆州詩所云古姓
聚成村也

斑竹岡 在城東江陵記去城五十里楚平王墓在
焉韓翃送人至江陵詩曰斑竹岡迎山雨暗此也或
云平王家在蓼臺湖非

棗林岡 在城西六十里其地有冢曰風火

大戰岡 在城東南百二十里赤岸相傳

關某戰處

祭祀岡 在郢城東或以都郢時歲時望祭在斯故

名

江水 發源自岷出三峽口東歷虎牙勢如建瓴逕郡城南至大別遙與漢合蘇代之告楚王曰蜀地之甲浮船於汶乘夏水而下五日至郢謂此水也故盛宏之云朝發白帝暮到江陵其間千二百里雖乘奔御風不加疾也

沮水 出房州房陵縣景山漳水自臨沮至當陽注焉逕豐臺入江陵界舊有兩河口窰口以殺其勢下流至荆水師營入江今窰口淤塞水師營外洲阻逼

江陵縣志

卷之三

方輿 山川 六

至御路口始達於江

夏水 在城東南漢江之汜也首尾長七百里冬窰夏通故名東流入監利界又東流入沔陽界江津豫章口東有中夏口屈原所謂過夏口而西浮也今中夏口雖塞長夏港一帶猶存故道

楊水 水經注龍陂水逕郢城南東北流曰楊水沮漳水自西來會合流入沔行六百里一曰夏楊水漢書作陽水今水由郢城北入於海子

按龍陂水在郢城北沮漳水入江亦未合流入沔

楊水發源於紀山北會紀南諸水出板橋逕龍陂入海子紀西自棗林匡橋與八嶺以西之水同會楊秀橋歷梅槐入沙灘湖逕祕師太暉是爲太港達郡隍逕草市入長湖

馬牧口 水經江水東得馬牧口注云江水斷洲通會之處志餘荆土舊有九穴十三口江漢於此交會今概淤矣

豫章口 在城東夏水所通也西北卽豫章岡或言因楚王豫章臺名晉書王鎮惡以百舸襲劉毅至豫

江陵縣志

卷之三

方輿

山川

七

章口去江陵二十里捨船步上穴其城而入

中夏口 在豫章口東是夏水之首江之汜也水經

楊水北流於沔謂之楊口卽中夏口也志餘曹操追

先主於當陽張飛按矛於長阪先主得與數騎驅漢

津遂濟夏口是也夏水出江曰夏口亦曰堵口入沔

曰楊口亦曰夏口武昌有夏口故此稱中夏又監利之口曰子夏口

按水經注內所注豫章口東之中夏口夏水之首也郡志謂在縣東三十五里楊水北注於沔之陽

口又一中夏口也在澹口之上去江陵甚遠縣志
牽合非是今削

江津口 江水自此益大一日大岸今沙頭津巷口
是家語江水至江津非方舟避風不可涉也郭璞云
濟江津以起漲言其深廣也沙津爲三楚名鎮通南
北諸省賈客揚帆而來者多至數千艘向晚蓬燈遠
映照耀常若白晝杜甫詩鶴鴿飛急到沙頭又云買
薪猶白帝搖櫓已沙頭王安石詩沙市放船寒月白
渚宮畱御古苔斑

江陵縣志

卷之三

方輿

山川

八

楊口 水經沔水東南與陽口合卽楊口也杜預傳
舊水道惟沔漢達江陵千數百里北無通路預乃開
楊口起夏水達巴陵內瀉長江之險外通零桂之漕
又王虞長史鎮楊口壘杜曾攻陷之卽此地

按荆門州志所載荆門州東南一百八十里有接
糧湖晉杜預攻江陵嘗有艘經此接糧故名湖巨
百餘里在今長湖東北東距漢江不遠竊疑預達
江漢漕運當在此處郡志引建陽河似難強通又
縣志謂預傳達巴陵內瀉長江外通零桂語爲不

可解竊謂預鎮荆治襄陽開陽口起夏水使零於
之漕由巴陵浮江湖夏而入於漢以達襄陽何不
可解之有

虎渡口 在城西南二十里龍洲南岸大江逕此分
流南至公安縣界名勝志後漢時其地多虎前守募
捕之乃更爲患太守法雄至下記曰虎狼在山林猶
人在城市古者至化之代猛獸不擾皆由仁及飛走
太守雖不德敢忘斯義記到其毀壞檻阱不得妄捕
自是虎遂渡去或云孝子施宜生過此虎感其孝負

江陵縣志

卷之三

方輿

山川

九

子渡河以避之湖廣通志舊虎渡河

卽虎渡口

兩旁皆砌

以石口僅丈許故江流之入者細自吳道蹂躪石盡
毀折今闊數十丈矣 宋仁宗召問張景曰卿在江

陵有何景對曰兩岸綠楊遮虎渡一灣芳草護龍洲
又問所食何物曰新粟米炊魚子飯嫩冬瓜煮髓裙
羹景蓋辱陵人所云椰開手卷不如張景一書者也

流水口 在江南岸

零口 通鑑晉隆安三年桓元襲殷仲堪乘勝至零
口去江陵二十里胡三省注零口卽靈溪入江之口

關沮口 在城東北十七里長湖水自龍口逕太白湖至此達於草沙二市

蠡湖口 在岑河口下吐納諸湖

赤湖口 道元注楊水東北流入赤湖水口又云華

容縣有靈港西通赤湖水口華容今監利此口當在

三湖下流

浩口 一作蒿口 沔水逕此入湖當江潛之界舊橋曰通

仙相傳呂希聖故蹟

接口 在鶴穴北十里

江陵縣志

卷之三

方輿 山川 十

折湖口 在城東南六十里

西湖口 在折湖口西八里

鶴穴口 在城東南一百里 鶴一作郝 大江經此分流東

北入紅馬湖注潛水合於漢水明隆慶二年塞宋書

五行志桓元在荆詣刺史殷仲堪行至鶴穴一老翁

驅青牛形色瓌異桓以所乘牛易之乘至零陵涇溪

駿駛非常因息駕飲牛牛徑入江水不出

招船口 在鶴穴北五里

朱家口 在鶴穴熊家河北三里

大河口 在鶴穴東北三十里漢水泛漲逆流至此
達於鶴穴內河

鯛南口 在普濟觀場東北八里爲襄漢商賈泊舟
之所

土地口 在龍灣張軍河北漢水自圻口一流西入
田關過浩口南注於此

易家口 小河口 古堤口 曾它口 奈林口

俱在龍灣皆漢水湖水出入之所均入白鷺湖

獐捕穴 在文村九穴之一也元大德間重開六穴

江陵縣志

卷之三

方輿 山川 十一

口江陵則鶴穴監利則赤剝穴石首則宋穴楊林調
絃小岳而獐捕不與焉又松滋有采穴潛江有里社
穴合此而九

南浦 在江南岸水經注江浦右迤南派曲而極世
謂之江曲者也志餘洛僧圓澤與李源約遊青城峨
嶓由荊州路入蜀舟次南浦見婦人錦襜負嬰而汲
澤曰婦姓王氏吾當爲之子孕三歲矣吾不來故不
乳今見無可逃矣以三日洗兒一笑爲約至暮澤亡
而婦乳源具以語王氏出家財葬澤山下

夏浦 江自夏水而來多有此名皆左迤也楚辭過夏水而西浮背夏浦而西思

鎮流砥 在沙津東突出大江數十丈捍激江水聲如萬雷澎湃之勢震心駭目今蕩然無存矣志餘謂卽鶴穴象鼻嘴非

百里洲 在郡西四十里石套西爲枝江界左右有數十洲槃布江中而此洲最爲平曠桑田甘果映江依湄梁陸法和曾隱於此

枝迴洲 在縣西南水經注江水自此分爲南北宋

江陵縣志

卷之三

方輿

山川

十一

書作枝迴洲益州都護馮遷斬桓元處北江有故鄉洲參軍費恬射元於此

龍洲 在枝迴洲下舊府志一名龍陽洲相傳爲吳太守李衡種橘處丁丑府志考水經注沅水篇云沅水又東歷龍陽縣之汎洲洲長二十里吳丹陽太守李衡植柑於其上臨死勅其子曰吾州里有木奴千頭不責衣食歲絹千匹今洲上尙有陳根餘枿蓋其遺也據此則李衡植柑自在龍陽縣之汎洲非此龍洲也龍陽吳置屬武陵郡是縣名非洲名李衡所植

者是柑爲柑洲亦非長沙府湘江中之橘洲也橘洲見水經注湘水篇

寵洲 在龍洲東水經注二洲之間世擅多魚漁者投罟厯網遑遑斷絕有潛客泳而眎之見水下有兩石牛嘗爲罟害故漁者莫不擊浪浮舟鼓棹而去
郟里洲 在寵洲下酈注云洲有高沙湖湖東北有小水通江曰曾口三國志魏將夏侯尚圍南郡作浮橋渡景里洲景郟聲近故字隨讀變與曾口寺當在此
燕尾洲 桑欽曰江水又東逕燕尾洲蚌城在其上

江陵縣志

卷之三

方輿

山川

三

齊胡諧之築城此洲以逼蕭子響蓋因此城也

江干新淤洲 在水師營對岸

苦草洲 在江南百里洲對岸

下馬坊洲 在沙市北岸

龍山官洲 在接官廳東江南岸詳學校

江心洲 在龍山官洲東江南岸

西沙洲 齊徵士劉虬嘗居之詳第宅

土洲 在縣東通鑑注江陵九十九洲土洲其一也

天鷲洲 距縣十五里江北岸今淤近御路口

窖金洲 距縣十里大江中阮文達曰卽古枚迴洲
相連又爲新淤沙洲

楊林洲 距縣五里御路口

上姜洲 距縣四十里江南岸相連又爲下姜洲

永安洲 距縣五十里江南岸

青安洲 距縣八十五里江北岸

塌泊洲 距縣九十里江北岸今崩塌無幾

石洲 距縣九十里江南岸洲長六七里上皆五色

石子木屑瓦片積久漸化爲石間有半存本質者冬

江陵縣志

卷之三

方輿 山川 古

春之交足供遊覽近淘金者眾石子排擠中流漸益
增長掃塌北岸自張家洲至吳秀灣被害爲甚互見
江防

白沙洲 連石洲尾在周家坑對岸

新淤洲 連白沙尾在潭子湖對岸

新泥洲 連新淤尾在龍二洲對岸

白腳洲 連新泥洲在鶴穴對岸

按龍寵以下燕尾邨里高沙皆古名也今則接龍
洲者爲天鷲乾隆初年尙未過荆水師營今已淤

近三路口天鷺之外則曰窖金窖金以下又有上
姜青安等洲大抵洲渚或倚南北江岸或橫互江
流潰淤流徙不常不獨江陵爲然而江陵爲尤甚
云

五葉湖 [太平寰宇記]昔湖側有土人張氏五世居
之因名韓翃送江陵元司錄詩片雨三江道殘秋五
葉湖

東湖 [方輿勝覽]在公安門外五里佛華寺東北張
商英建廣袤數里川亭蕩漾爲遊賞之勝百年以來

江陵縣志

卷之三

方輿 山川 五

漸爲畎畝桑麻矣

南湖 在城南三里唐鄭審謫江陵構亭其上杜甫
寄詩云東郡時題壁南湖日扣舷又云今日南湖採
薇蕨何人爲覓鄭瓜州或作南淮元微之貶江陵士
曹掾有南淮泛舟攀月詩

西湖 在城西十里近祕師橋今日達王湖有芻蕘
之利子城西亦有西湖則故遼邸別墅也

後湖 在城北元微之詩荆有泥濘水在荆之邑鄂
湖在鄂後故謂後湖今皆曰北湖

湖 在城東五里久堙今尙有臺名羅臺市
鶴湖 在虎兒山東

柘林湖 白沙湖俱在城東十里近沙市多魚利
赤湖 在城西北十五里水大注湖周五十里城下
陂池皆來會同荊州記吳通漳水灌紀南入赤湖進
灌郢城按滄桑屢變赤湖不可復識或以郢城西南
有赤城岡疑赤湖亦緣以名十道四蕃志楚爲吳殺
傷衆多湖水盡赤故名似大臆說今西門外三里有
藪澤曰赤湖其南有城形後人因加修爲寸金隄以

江陵縣志

卷之三

方輿

山川

六

護郡城俗名曰倒口或異地而同名與

礮臺湖

蝦蟇湖

俱在城南三十里又南十里有

百子湖

小塘湖

高沙湖

太平寰宇記在枝迴洲上水經注在郢里

洲渚宮故事江陵城西二十里高沙湖其中多魚荆

南志翠澤平晶水陸彌曠芟荷殷生鱗羽滋阜湖南

林野清迥可以棲託故徵士宗炳劉虬咸家焉黃魯

直詩不趨吏部曹中版且膾高沙湖裏魚

按高沙卽李家埠北沙灘湖無隄之先當與江通

象湖 在城東三十里

玉湖 一作玉壺 在城東五十里中有寺波光圍繞四面

荷香亦消暑勝境也

五穀河 在城東北七十里泥港北東濱襄堤下有

石到吐納漢派草茂魚肥每夏秋間芟菱蓮芡花實

迷歷亦遊覽之勝也

鼓湖 在城東北七十餘里東北入風灌口即陳家

港泥港城東南多小湖如沱湖中湖上黨穀湖五穀

湖潘泊湖皆接連鼓湖東南出王跛口入了角廟河

江陵縣志

卷之三

方輿 山川 十七

南入三湖出張軍河紅馬湖

離湖 一作泥湖 在城東南七十五里今江陵猶有離湖

橋水經注楊水入華容縣離湖係監利之離湖也與

此湖異

瓦子湖 一名長湖 在城東五十里匯三海之水以達於

沔其西有龍口水入焉志餘水面空闊無風亦瀾湖

口有吳王壩湖心有擂鼓臺皆入郢時蹟瓦子云者

或因楚囊瓦而目與

太白湖 西與瓦子湖連東出梅家嘴與三湖合流

相傳李青蓮謫夜郎時曾泊舟於此地以賢名亦猶
沔水之郎官矣

三湖 在城東北八十里水經注楊水東北流白湖
水注之湖在大港北港南曰中湖南隄下曰昏官湖

三湖合爲一水東通荒谷

卽楚莫
敖縊處

宋元嘉中通路自

三湖下注楊水以廣運漕近因沙洋堤屢潰三湖與
紅馬大半淤爲良田諺云打破沙洋十八年三湖淤
起作良田

蓼臺湖

三湖之一隅也俗傳楚平王葬此伍員求

江陵縣志

卷之三

方輿

山川

六

之弗得有石工導而掘焉深及黃泉乃見石槨今猶
有臺土人立廟於上呂覽越絕書江陵記無掘墓事
俗說非詳冢墓

倚南湖 在城東九十四里 倚北湖 在城東一
百一十里皆三湖之一隅

紅馬湖 在城東百十里上承三湖下入白螺春夏水
漲浩渺無際

香草湖 在兩架橋東

袋兒湖

一作太
二湖

在郝穴東北十五里

潭子湖 在鶴穴上八里濱大隄漢水泛漲自蔣家橋支流至彭家場橋口注焉

白鷺湖 在紅馬湖東上承長夏港水東流南曲襟帶民居今湖半屬江陵半屬監利唐大厯中有王栖霞者自湘川徙此善治易窮厯候陰陽之術手植桃杏四藩其宇時人比之董奉焉

東灣湖 在浩口下流界江潛二邑間明孔伯靡隱此詳第宅

女觀湖 在城東北水經注柞溪水出江陵縣北東

江陵縣志

卷之三

方輿 山川 五

注船官湖湖水又東北入女觀湖方輿紀要東晉初荆州將趙誘與賊杜曾戰於女觀湖敗沒處也打不動湖 周迴約百里在楊水外吐納沮水天鵝池逍遙湖乃其餘浸也今沿湖高岸已成膏腴俱各挽築稱樂土矣

大金湖 在江南戴家場東北 又名戴新湖

玉家湖 在戴家場西

清洋湖 在江南普化觀東南

裝八湖 在普化觀西北水出流水口

尹家湖 在城東南六十里

楊林湖 在鶴穴下二十里

大軍湖 在鶴穴東二十五里四面皆村落半可耕

種

李白湖 在大軍南唐人記云疑太白嘗遊此故有

是號但有脫筆耳

孟家湖 在鶴穴東三十里

永豐湖 臺湖 玉藻湖 俱在鶴穴東四十里環

湖士民雜處風晨月夕絃誦與紡績聲遙應數里

江陵縣志

卷之三

方輿 山川 二十

按邑東北多水以湖名者不一或自為一區如柘

林五穀諸湖是也或比次相連如瓦子太白紅馬

白鷺諸湖是也其廣闊處煙波瀾漫水與天接其

交通處曲折迤邐如柳子厚所謂舟行若窮忽又

無際者濱湖居民水涸則耕水長則漁生計係焉

其間舟楫往來名流經歷今古異名縱橫異道開

塞異宜顛末於是在焉

漕河 卽草市河

在城東北晉建武初鑿自荆門羅堰口

開大漕河由里社穴達沔直通襄漢卽荆門之建陽

河也舊志誤爲杜預所開之陽口今改正辨附後
按漕河所論不一郡志謂漕河在城北卽今荆門
之建陽其上流而淤不能通漢而下流匯於江
陵之瓦子長湖又引晉書杜預傳開陽口起夏水
達巴陵內瀉長江外通零桂以爲漕河卽預所開
水經注宋元嘉中通三湖注陽水以廣漕運蓋修
預故道云云夫謂以漕河爲建陽河是已至杜預
所開卽水經之陽口使巴陵以南之漕由陽口而
達襄陽所及者遠荆州城北漕河則祝氏方輿勝

江陵縣志

卷之三

方輿

山川

三

覽所云晉建武初始鑿自羅堰口出大漕河由里
社穴沌口沔水口直達襄漢二江其源委皆別未
可壺合爲一也考荆門州志建陽河在州南百一
十里河之南有左溪源出九汊合石牛寺二水皆
自西而東同注於十迴橋自此而紆迴七八十里
入關沮口下流之太白湖上通城北而下通陽沔
未入湖處有洛陽口南距三海不遠洛陽於義無
取疑卽羅堰之訛此水秋冬不涸百石之舟自城
河可達於十迴橋郡志謂上流已淤不與漢通蓋

誤疑建陽河當自郡北流入而不悟十迴橋河之
卽建陽河也羅堰口舊府志列於山川與統志通
志郡志志餘皆未指定何處惟縣志屬之荆門似
亦有會於此第沿郡志杜預開漕河之說遂以祝
氏所述盡舉而歸之預則更誤矣或疑陽口開自
杜預水經注源流俱載建武初漕河入漢不應出
沌口而入沔水口紆道數百里不知河與口開塞
皆無常此河在宋時三十年中太宗端拱初濬之
真宗天禧末又濬之晉建武初拒平吳時約四十
年陽口必已塞故漕河不由此入漢宋元嘉中通
三湖注楊水以廣漕運陽口必又開故水經注具
載之耳然則漕河入漢必由杜預故道其開鑿又
在東晉初豈得援晉書以相證哉

沙市河一名龍門河有橋曰卞和一作便河西接隍河北流

入草市老關墻在草市沙橋門北明萬曆中張居正築以鎖沙市河水口本朝咸豐中商人爲

利涉計毀之漬水易洩每旱輒涸行舟轉成阻滯注瓦子湖隄楊壠麥遠近

異觀簫鼓之聲晝夜靡歇

白河 在城南見朱文公曲江樓記

江陵縣志 卷之三

方輿 山川 三

按白河自石馬頭江水灌入歷白龍謚家會仙獅子通濟雙龍諸橋仍入於江今則沙市自會仙以下盡沒為江矣

城河即岑河口 在城東四十里東南會郝穴化港諸水

東北合白瀆諸陂澤下匯三湖附近安興港相傳古安興縣地故以城河名

甄橋河 洩巢婆諸淵水東南流分為二一過甄橋

一過資福寺歷蔣家橋匯於三湖老關墻在靈祇寺西南明萬曆戊午

知縣石應嵩築約束積潦入甄橋河

江陵縣志

卷之三

方輿 山川 三

了角廟河 在城東九十里漢沔泛漲則自安陸府

潛江縣界夜叉口至江陵了角廟溢入一南流蠡湖

諸水一北流入瓦子湖匯諸湖水達於邑隍若安瀾

則江陵諸水俱會了角廟合夜叉口東注

渠子河 受龍灣諸湖陂水下達楊水楊水泛溢則

滌洄而上

鐔長別河古名麻田江 在城東百二十里相傳鶴穴口

未塞時為江水支流今漢沔泛漲溢流注此西達普

濟觀

子胥瀆 〔水經注〕郢城西南有赤坂岡岡下有瀆水東北流入城曰子胥瀆蓋吳師入郢所開也又曰西京湖東北出城西南注於龍陂

靈溪 庾仲雍曰荊州大城西九里有靈溪水郭璞

詩靈溪可潛盤此也〔水經注〕水無泉源上承散水合

成大溪南流注江江溪之合有靈溪戍〔詳古通鑑綱

目〕桓振逆戰何無忌於靈溪卽此質實者以韶州樂

昌之靈溪當之非也

柞溪 〔水經注〕楊水又東與柞溪水合水出江陵縣

江陵縣志

卷之三

方輿 山川 一

北蓋諸池散流會合成川東流逕魯宗之壘今堙

馬鞍溪 〔輿地紀勝〕江陵有馬鞍溪相傳伍子胥初

出走以馬鞍畫此溪得免未詳所在

烏龍潭 在紀山巔潭石黯黑一泓青碧不涸不盈

白龍潭 在紀山後里許泉流不絕相傳中有伏龍

皎若素練歲旱取水祈雨輒應內典云天及龍皆能

降雨天雨細而龍雨麤

五色潭 在西門外水氣上浮時成五色淵渟鏡淨

晶焉冲照或謂之龍潭世傳泉與江通水味甘美下

有九牛三鑊鎮遏水災

白小潭 在沙津東舊多白小魚俗名銀魚杜甫詩

曰白小羣分命天然二寸魚細微沾水族風俗當園

蔬今潭已淤而名如故

黃潭 在城東三十里宋史河渠志建炎間邑官開

決放入江水設險禦盜既而潦漲因民訴塞之舊府

志在大江北逼近江隄內外皆水挽築取土最艱志

餘江水由江津逕此有隄為一郡之障明萬曆辛卯

隄決水勢衝激潭深叵測修復逾五紀最稱險工

江陵縣志

卷之三

方輿

山川

三五

長夏港

當作楊夏港

在城東南楊夏二水所逕水經注

所謂三湖大港也長二十里志餘檉柳森蔚渚沙靜

杳鳧艇魚罟沿渚列門羈人旅泊靡不嘆其清曠焉

梅槐港 郡西諸水所匯逕秘師橋石斗門達於城

隍東入草市河江水支流舊入此港今隄築久湮舊

志以為楊水下流者誤

泥港 在城東北七十里周廣二十里向止一小港

西承大橋港之流東南注陳家港歷年風浪相薄岸

田多就汙萊視前支流曲浦纏絡町墟一改觀矣

海港 在城西北十三里上紅橋下紅橋兩流合而成港地名普法寺龍象已灰鐘磬無據利基之畔有水涓涓發源山麓逶迤西傾雖陽旱不常而嘒流莫絕亦無盡之泉也

化港 在沙市黃潭之東其地吠澮溝洫多以港名沿港 在鶴穴永興橋東南里許王釀詩永興橋如虹沿港水如帶

龍居港 在鶴穴東南四十里

大橋港 在古屯寺里許

江陵縣志

卷之三

方輿 山川 三

魯港 在龍灣市之中下通陽夏諸水以備旱潦蓄泄

三海 俗名海子 在城東北水出蛟尾與漕水合流匯於

三湖初江陵平行道路通利以水爲險孫吳時引諸湖及沮漳水浸江陵以北地以拒魏兵號爲北海孫皓時陸抗勅江陵督張咸作大隄遏水漸漬平土以絕寇叛唐貞元八年曹元臯爲荆南節度江陵東北七十里置廣田傍漢水古隄決壞者二處臯始塞之廣良田五千頃蓋卽北海故址也五代周顯德二年

高保融復自西山分江流五六里築大堰亦名北海
宋紹興三十年逆亮渝盟李師夔櫃上下海以遏敵
乾道中守臣吳獵嘗修築之開禧三年守臣劉甲以
南北兵端旣開再築上中下三海淳祐中孟珙兼知
江陵修復內隘十有一別作十隘於外有距城數十
里者沮漳之水舊自城西入江因障而東之俾遠城
北入於漢而三海遂通爲一又隨其高下爲八櫃俗名
九隔以蓄洩水勢三百里間渺然巨浸遂爲江陵天險
金人嘗犯荆門州距江陵纔百里而去知有三海爲
之限故也

江陵縣志

卷之三

方輿

山川

七

沙池 南齊書荆州城內有沙池常多漏水蕭穎胄
爲長史水乃不漏及穎胄亡乃復竭此亦灑汙之類
與

清風池 明月池 俱在分省街南甘棠坊左右兩
隅清深鏡潔潭而不流文獻王高從誨鑿五代史從
誨鑿池山亭下得石匣長尺餘扁鐫甚固誨神之屏
左右焚香啓匣得石有文云此去遇龍卽歇及建隆
中繼沖入朝改鎮徐州龍隆音相近也

洗馬池 在沙津遼邸宴遊之地傍有宮人斜孔自來弔古詩風騷不比古西園洗馬池邊倩女魂白骨似山山似血杜鵑花發見啼痕又子城東北有水名洗馬池西門外將臺旁亦有

關某洗馬池

天鵝池 今曰天鵝洶在城西二十五里趙郡布衣

宋登春隱此自號鵝池散人詳流寓

高氏井 在子城內高王後苑之井宋兵入城繼沖以橋覆井給內人多墮死恐其爲花蕊嚙矢也後人

江陵縣志

卷之三

方輿 山川 三

哀之植柏建祠於上

名土主廟井在土主祠旁今堙

八角井 在城東下有海眼通江觀泉水之增減識

江流之消長後人作石塔鎮之

九陽井 在景明觀旁相傳呂仙煉丹於此井九孔而無幹水亦清冽

沈香井 在章臺寺畔古傳楚靈王所斃一名澆花井旁有沈香亭亦古名

天子井 南齊書高祖建元元年荆州城東天子井出錦士女取用與常錦不異經月乃歇郡志言朱井

湖出錦一作天井湖或即東北之天井也

金牛井 在紀南金坡湖畔相傳有牛糞金之異故名旱禱輒應後中湧大木羣挽出堅實香烈文類蚪蚪人爭劈削之井亦旋塌

雙井 在鶴穴彭家場南里許兩井相距僅數尺舊傳泉與江通江漲時滄然湧騰土人懼浸溢田禾用二大石封之頃有白氣轟起數十丈移時不散殆亦古龍湫與

天井 水經注龍陂水逕郢城東北流謂之楊水又

江陵縣志

卷之三

方輿 山川 五

東歷天井北按井在方城北里餘周迴二里許深不可測中有潛室見輒兵禱雨多驗見荊州記渚宮故事

藥福井 在南多福寺旁靈源清潔病者飲之輒愈

龍陂 在紀南城西南一名龍泉又曰龍川水經注古天井水

也廣圓二百餘步在靈溪東江隄內水至淵深有龍見於其中故曰龍陂

金陂 在城西北十五里

天池陂 在城北十五里俱紀南城外

安洋陂 在城西北二十五里今皆為繡壤

天井淵 在城東北十里廣圓數百步南界雷家壩東谿河四圍蘆荻叢茸湛然一水深宵無盡雖陽旱不絕志餘明崇禎末年大旱此淵亦有潛室之異

按龍陂天井天井淵本三處江陵志餘則載於龍陂一水之內舊府志有龍陂天井淵而無天井新府志三條俱列而又彼此互淆志餘既云龍陂天井明爲二水何以志龍陂而不另志天井且潛室之見據荆州記云既係江陵東北十里之天井何得混於紀城西南之龍陂至謂天井淵與龍陂同

江陵縣志

卷之三

方輿

山川

三

源不知龍陂天井在郡城西北其同源猶可說也天井淵在郡城東北且有襄隄之限焉其源何由而同乎要皆泥於水經注古天井水之一言遂使三水異地合爲一處今考地勢在紀南城西南者龍陂也水經注云在方城北者天井也在郡城東北十里由雷家壩而下者天井淵詎爲天井淵者也

白馬淵 在城東十里漢水入郡交匯處

椒茨淵 在城東南十里

二郎淵 在城東八十里

鄧家淵 俱在沙市東

張老淵 在高王古隄下距荷葉淵二里其東南有

酒店淵最深

巢伯淵 一作巢婆 距古隄東南三里去大江五里水最

深多鯽魚

蔣家淵 在永興橋北

荷葉淵 一在沙市東五里江漬所成一在鶴穴下

三十五里

江陵縣志

卷之三

方輿 山川 三

章臺淵 在豫章臺東畔

官曲淵 廖曲淵 俱在城東南

車家淵 在城東七十里

十字淵 在車淵西 廟淵 在車淵南

崔家淵 在城東八十里

龍二淵 在鶴穴上里許濱大隄潭深不測

龍子淵 在鶴穴東北

雙鳳淵 在公安門外大可百餘畝乾隆五十三年

隄潰冲成淵深不測南北風作沙 病涉

馬跑泉 在八嶺山泉出山頂大旱不涸相傳漢
關某馬渴跑地出水石闌上尙有蹶痕病者焚楮錢取水
服之每瘥

感通泉 在草市嶽廟內相傳禱於神者以紙錢投
之誠則沈否則浮元人覆亭於上名曰感通

清風泉 卽來龍山右之龍潭觀察李拔立碑記之
無盡泉 在佛華寺內宋丞相張商英之井也水極
甘美

